

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 255983 25 St
Zenica, 01.09.2025. godine

Općinski sud u Zenici, stečajna sutkinja Sanja Pavlić, u stečajnom postupku nad društvom „Auto Truck Trade promet vozilima, dijelovima i priborom, društvo sa ograničenom odgovornošću Visoko, ul. Čajengradska b.b., Visoko, koga zastupa Hikmet Lemeš, direktor društva MBS: 43-01-1100-12 (stari broj: 1-22560), odlučujući o prijedlogu stečajnog dužnika, donio je van ročišta dana 01.09.2025. godine:

R J E Š E N J E

OTVARA SE STEČAJNI POSTUPAK nad imovinom stečajnog dužnika „Auto Truck Trade promet vozilima, dijelovima i priborom, društvo sa ograničenom odgovornošću Visoko, MBS: 43-01-1100-12, JIB: 4200085980002, glavni račun stečajnog dužnika otvoren kod Asa Banka d.d. Sarajevo, broj: 1346001002275217, dana 01.09.2025. godine u 15:00 sati.

Za stečajnog upravitelja, sa liste stečajnih upravitelja, imenuje se Sulejman Ismić, Carica br.12., Visoko.

Pozivaju se vjerovnici da u roku od 30 dana od dana objave ovog rješenja u „Službenim novinama“ Federacije BiH, prijave svoje tražbine koje imaju prema stečajnom dužniku podnošenjem prijave Općinskom sudu Zenica na broj: 43 0 St 255983 25 St uz uplatu sudske takse u iznosu od 1% od vrijednosti tražbine, ali ne manje od 50,00 KM, niti više od 10.000,00 KM na račun budžeta ZE-DO kantona broj:134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos tražbine, kao i broj svog računa kod poslovne banke.

Pozivaju se vjerovnici da stečajnog upravitelja u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osiguranu tražbinu.

Pozivaju se dužnici stečajnog dužnika da svoje obveze bez odlaganja izmire.

Nalaže se stečajnom dužniku i trećim osobama da stečajnom dužniku predaju u posjed imovinu i dokumentaciju stečajnog dužnika koja je u njihovom posjedu.

Nalaže se registru poslovnih subjekata ovog suda da uz firmu ili naziv stečajnog dužnika izvrše upis oznake „u stečaju“, a u rubrici „Lica ovlaštena za zastupanje subjekta upisa“ umjesto imena i prezimena direktora, upis imena i prezimena stečajnog upravitelja.

Nalaže se zemljišnoknjižnim uredima i nadležnim katastarskim operatima, kod kojih se vode nekretnine stečajnog dužnika, da izvrše upis rješenja o otvaranju stečajnog postupka.

Ispitno i izvještajno ročište u ovom postupku zakazuje se za dan 18.11.2025. godine u 12,00 sati, u zgradi Općinskog suda Zenica, te se na isto pozivaju vjerovnici stečajnog dužnika koji podnesu prijavu tražbine, kao i stečajni upravitelj.

Rješenje o otvaranju stečajnog postupka objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objavit će se izreka rješenja.

O b r a z l o ž e n j e

Društvo „Auto Truck Trade promet vozilima, dijelovima i priborom, društvo sa ograničenom odgovornošću Visoko, ul. Čajengradska b.b., Visoko, podnijelo je prijedlog za provođenje stečajnog postupka 23.01.2025. godine.

Privremeni stečajni upravitelj Sulejman Ismić je u vezi sa ispunjavanjem uvjeta za otvaranje stečajnog postupka nad imovinom stečajnog dužnika sačinio Izvještaj od 28.07.2025.godine, te je na ročištu za ispitivanje uvjeta za otvaranje stečajnog postupka održanom 28.08.2025. godine izjavio da

ostaje pri podnesenom izvještaju koji je dostavljen ovom sudu dana 28.07.2025.godine u predmetu broj: 43 0 St 255983 25, vezano za firmu Auto Truck Trade promet vozilima, dijelovima i priborom, društvo sa ograničenom odgovornošću Visoko, a kojim je utvrđeno stanje imovine navedenog subjekta i poslovanja, te da li postoje razlozi i uvjeti za otvaranje stečajnog postupka.

Privremeni stečajni upravitelj je izjavio da uvidom u Zemljišno-knjižni izvadak broj: 041-0-NAR-25-007 866 od 24.04.2025.godine izdat od strane Općinskog suda u Visokom Zemljišno-knjižni ured je utvrdio, da je društvo upisano kao titular u ZK ulošku broj: 7295 K.O. Visoko na sljedećim nekretninama: broj parcele: 1247/2E.PR-12, oznaka nekretnine: Pomoćna prostorija (garažno mjesto) u prizemlju, skraćena oznaka: PR-12 u Visokom u ulici Gornje Rosulje u stambenoj zgradi izgrađenoj na k.č.br.1247/2 K.O. Visoko u površini od 15,07m² sa 15/4030 dijela na zajedničkim prostorijama, dijelovima zgrade, uređajima i zemljištu ispod zgrade i zemljištu koje služi za redovnu upotrebu zgrade, a povezano sa Pomoćnom prostorijom (garažnim mjestom)-oznaka PR-12 koje se nalazi u prizemlju; površine: 15,00 m², sa upisanim pravom vlasništva u korist ATT d.o.o. Visoko sa udjelom od 1/1.

Naveo je da u C teretnom listu su upisani tereti i to:

1. Uprave za indirektno oporezivanje BiH, Regionalni centar Sarajevo, za potraživanje u iznosu od 180.150,09 KM, uvećan za kamatu do izmirenja,
2. Porezna uprava F BiH, Kantonalni porezni ured Zenica za potraživanje u iznosu od 52.709,20 KM.

Privremeni stečajni upravitelj je utvrdio da je predmetna pomoćna prostorija prodana kupcu Lemeš Hikmetu kao fizičkom licu dana 25.12.2023.godine, te je zaključen notarski ugovor broj OPU-IP: 1087/23 od strane notara Husomanović Senade iz Visokog, te da je prostor predat u posjed i isplaćena je cjelokupna kupoprodajna cijena po ispostavljenoj fakturi broj: 001/00164 u iznosu od 15.000,00 KM, te da su u vrijeme zaključenja ugovora sve obaveze društva bile izmirene za što su pribavljena Uvjerenja o istom i to: Uvjerenje UIO BiH, Regionalni centar Sarajevo broj: 02/6/II-16-11-20-13770/23 od 21.11.2023.godine, Uvjerenje Porezne uprave, Kantonalni porezni ured Zenica, Ispostava Visoko, broj: 13-4/10-12-5-3366/23 BŠ od 17.11.2023.godine, a po prijavi ugovora doneseno je Rješenje o razrezu porezne obaveze po Rješenju broj: 13-4/10-12-13-1044/23 od 13.02.2024.godine, te je naplaćen porez u iznosu od 750,00KM.

Po naknadnim poreznim inspekcijama od strane UIO BIH i Porezne uprave F BiH pronađeni su dugovi koji su se po osnovu svojih Rješenja upisali u C listu navedenog zk izvadka.

Naveo je da iz svega navedenog proizlazi da će predmetna imovina biti predmet spora sa vanknjižnim vlasnikom po otvaranju postupka.

Bilo kakva druga imovina nije pronađena niti u knjigovodstvenim bilansima niti na sjedištu društva. U potvrdi nadležnog MUP-a na dan 15.07.2025. godine navedeno je da društvo ima u vlasništvu sljedeća vozila:

- vozilo registarskih oznaka M58K979, broj šasije WVWZZZ1KZ8M269542, godište 2008, marka I tip VOLKSWAGEN 1KM GOLF, vrsta M1 – PUTNIČKI AUTOMOBIL, vozilo odjavljeno,
- vozilo registarskih oznaka O52J282, broj šasije TMBBS21Z68S150805, godište 2008, marka I tip ŠKODA 1Z OCTAVIA ELEGANCE, vrsta M1 – PUTNIČKI AUTOMOBIL,
- vozilo registarskih oznaka T96J572, broj šasije, MA06XZZ4EM656939, godište 2014, marka I tip MAN 06XTGX, vrsta N3 – TERETNO VOZILO, vozilo odjavljeno,
- vozilo registarskih oznaka A52T172, broj šasije WMA06XZZXGP079237, godište 2016, marka i tip MAN TGX 18.440 4X2 BLS, vrsta N3 – TERETNO VOZILO,
- vozilo odjavljeno, a prema izjavi zakonskog zastupnika predmetna vozila nisu u vlasništvu niti posjedu društva, te su prva dva navedena putnička automobile ukradena za što se mogu pribaviti potvrde u nadležnom MUP-u, dok su predmetna teretna vozila kupljena i odmah prodana, a predmetna kupoprodaja je obavljena 2012. godine za što stečajni dužnik ne posjeduje bilo kakvu dokumentaciju, s obzirom da je to bila uobičajena roba u prodaji, te po zakonu i samo društvo nije bilo u obavezi da istu čuva preko 10 godina. Izjavio je da uvidom u Izvještaj o računima Centralne banke BiH od 24.12.2024.godine utvrđeno je da društvo ima blokiran transakcijski račun u kontinuitetu duže od 60 dana tako da je nesporna platežna nesposobnost društva kao razlog za otvaranje stečajnog postupka, a uvidom u poslovnu dokumentaciju, javne registre, izjave zakonskog zastupnika i računovođe društva te ličnim uvidom u sjedištu društva utvrđeno je da društvo ne posjeduje nikakvu materijalnu ili

nematerijalnu imovinu kao ni prava ili potraživanja koja bi činila stečajnu masu čime bi se namirili troškovi stečajnog postupka kao i potraživanja povjerilaca. Naveo je da društvo ne obavlja nikakvu djelatnost i nema uvjeta za bilo kakav nastavak poslovanja. Što se tiče računa društva izjavio je da su blokirani prije podnošenja zahtjeva za pokretanje stečajnog postupka, duže od 60 dana, te da imovina koja se vodi na firmi - nekretnina koja je naprijed opisana i koja bi predstavljala stečajnu masu bila bi dovoljna za pokriće troškova stečajnog postupka, ali će nakon otvaranja postupka ista biti osporavana od strane vanknjižnog vlasnika. Privremeni stečajni upravitelj je predložio da sud otvori postupak te ga imenuje za stečajnog upravitelja.

Punomoćnik predlagatelja je na ročištu izjavio da ostaje kod prijedloga za otvaranje stečajnog postupka i nema primjedbi niti prigovora na Izvještaj privremenog stečajnog upravitelja i da je saglasan sa prijedlogom da se otvori stečajni postupak.

Stečajni sudija nakon što je ocjenio dokaze priložene uz prijedlog, te Izvještaj o stanju imovine i obaveza dat od privremenog stečajnog upravitelja, je utvrdio da su ispunjeni uvjeti iz čl. 102. stav 6. Zakona o stečaju kojim je propisano da sud otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove stečajnog postupka.

Sud je pored navedenog ovim rješenjem odredio dan i sat otvaranja postupka, imenovao stečajnog upravitelja sa liste stečajnih upravitelja, pozvao vjerovnike stečajnog dužnika da prijave tražbine i vjerovnike sa pravom osiguranja da obavijeste stečajnog upravitelja o svom pravu, te dužnike stečajnog dužnika da bez odlaganja izmire svoje tražbine, te je odredio i dan i sat za koji je zakazano ispitno i izvještajno ročište, a sve u skladu sa odredbama čl. 104., 105., 106., 107. i 108., Zakona o stečaju (Sl. Novine F BiH 53/21 i 19/25), budući da je naprijed navedeno i potrebno da sadrži rješenje o otvaranju stečajnog postupka.

PRAVNA POUKA

Protiv ovog rješenja stečajni dužnik može uložiti žalbu u roku od 8 (osam) dana po prijemu rješenja Kantonalnom sudu Zenica, putem ovog suda.

Stečajna sutkinja
Sanja Pavlić